

Fu posto, per li consieri, far cinque savii ai ordeni justa il solito per mexi 6. E fu presa, e fato election; non era in Pregadi sier Michiel Navaier consier.

Et rimaseno: primo di balote sier Nicolò da Ponte di sier Antonio, qual tene le conclusion a San Zane Polo, e suo padre è XL criminal, et ave 146. Poi sier Sebastian Contarini qu. sier Sebastian, 141. Sier Zuan Tiepolo di sier Hironimo, 141. Sier Francesco Bembo fo al dazio dil vin, qu. sier Hironimo, 134. Sier Bertuzi Soranzo qu. sier Hironimo 134. Soto una balota sier Piero Moresini fo avvocato grande, qu. sier Alvisè. *Item*, eazele con titolo sier Cristofal Capelo fo savio ai ordeni, qu. sier Francesco cavalier, et non passoe. E tutti scosse ben de balote 120 in suso chi eazele.

50 *Copia di do parte prese ozi in Pregadi, poste per li provedadori sopra la recuperation di danari.*

1513, die 23 Septembris. *In Rogatis.*

È molto al proposito, *etiam* satisfacendo a li creditori publici, recuperar danari a la Signoria nostra in questi bisogni, et però l'anderà parte: che tutti li nobeli nostri, i quali per esser stà capitani zenerali, proveditori di l'armata, sopracomiti, et nobeli da pope, sono creditori a li camerlengi di comun, accompanando tali loro crediti *cum* depositar a l'oficio di la camera d'imprestedi a raxon de 50 per 100, in danari contadi, da mo' per tutto di 15 di Octubrio prossimo futuro, in satisfation de tutta la summa, possino tuor tanti debitori de qualunque oficio et sorte specificati in la parte de di 19 de Luio prossimo presa in questo Consejo, et comprar de li beni di rebelli, come possono far tutti li compresi ne la dita parte. E tutto el dinaro che se trazerà de tal rason sia medesimamente e sotto pena di furanti portato a l'oficio di camerlengi di comun, dove ne sia tenuto separato conto, e non se possa spender in altro che ne la guera solamente.

Die dicta. In Rogatis.

Per continuar ne la recuperation del danaro per la via più facile et universalmente satisfatoria; e però atrovandose a l'oficio nostro de sopra le camere debitori per bona e grande summa di danari, l'anderà parte: che salva in tutto e riservata la parte a di 19 de Luio prossimo preterito presa in questo Consejo, li sia azonto: che tutti quelli, che da mo' per di

15 di Octubrio prossimo futuro, depositerano a l'oficio di la camera de imprestedi cinquanta de contadi per ogni conto de credito de li pro' de' Monti vechio et novo specificati ne la dita parte, possano tuor in satisfation sua tanti debitori de l'oficio nostro sopra le camere de raxon de dare fati fin questo zorno, et comprar *etiam* de li boni loro a l'incanto, con tutte altre actione et conditione in essa parte contenute. Siano ubligati li scrivani sopra le 50* camere, soto pena dei furanti et *de immediate* privation de l'oficio, mostrar *integre* et realmente a li creditori che vorano veder tutti li debitori de l'oficio suo, et debbano ogni domenica portar al Serenissimo Principe particular nota de quanto sarà stà fato quella settimana ne l'oficio loro in execution de l'ordine presente. Et quanto se trazerà de tale rason, portar si debba a li camerlengi de comun da esser- ne tenuto conto separato, et speso ne la guera solamente e non in altro, soto tutte le pene contenute in la parte anteditta de 19 Luio. Ave 176 di sì, 11 di no.

1513, a di 18 Septembrio, ai scogi di Puola.

*Cargo di galie do di Baruto, capitano
sier Marco Antonio da Canal.*

Panni	bale	241
Ambra	casse	22
Vari	bote	4
Veri	casse	4
Merze	casse	3
Rami	c. ^o	77
Banda larga	fassi	15
Banda raspa	fassi	3
Fil di rame	fassi	2
Stagno fin	fassi	11
Corali	casse	13
Botoni di coralo	casse	5
Botoni di coralo	casse	19
Armellini	casse	1
Zebellini	casse	1
Canevaze	ruodoli	10
Pater nostri	casse	20
Aver sotil, zercha	ducati	6000
Aver di cassa, zercha	ducati	10000

A di 24, la matina. *Fo letere di Roma, di l'orator Foscari, di 20, in risposta di nostre col Senato, di . . .* E come fo dal Papa, e scrive colloqui abuti insieme, *ut in litteris. Item*, come partito dil 51